

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), a u skladu sa Programom utroška sredstava planiranih u Budžetu Zeničko-dobojskog kantona za 2023. godinu na poziciji „Kapitalni transferi drugim nivoima vlasti – za zdravstvo“, broj: 02-11-9547/23 od 09.06.2023. godine, na prijedlog Ministarstva zdravstva, Vlada Zeničko-dobojskog kantona, na 37. sjednici, održanoj dana 28.09.2023. godine, d o n o s i

## **ODLUKU**

### **o odobravanju sredstava JU Kantonalna bolnica Zenica za građevinske radove na instalaciji kisika i komprimiranog zraka**

#### **Član 1.**

##### **(Predmet)**

(1) Odobravaju se sredstva JU Kantonalna bolnica Zenica u iznosu od 38.671,31 KM (slovima: tridesetosamhiljadašeststotinasedamdesetjedna i 31/100 konvertibilnih maraka) za građevinske radove na instalaciji kisika i komprimiranog zraka u operacionim salama Odjela ortopedije i traumatologije, neurohirurgije, plastične i rekonstruktivne hirurgije i oftamologije i instalaciji kisika za intenzivnu njegu Odjela neurologije.

(2) Odobrena sredstva se odnose na ukupnu cijenu građevinskih radova sa PDV-om, prema Ugovoru broj: 32-04-8840/22 od 01.12.2022. godine, koji je JU Kantonalna bolnica Zenica zaključila sa „ALFA-MED“ d.o.o. Tomislavgrad.

#### **Član 2.**

##### **(Analitička konta)**

(1) Sredstva iz člana 1. ove odluke isplatit će se iz Budžeta Zeničko-dobojskog kantona za 2023. godinu („Službene novine Zeničko-dobojskog kantona”, broj: 3/23) sa razdjela 21 - Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti - za zdravstvo”.

(2) Sredstva odobrena Odlukom će se transferisati na žiro-račun JU Kantonalna bolnica Zenica broj: 1340100000339717 otvoren kod ASA banke, na osnovu zaključenog ugovora o nabavci i fakture ispostavljene od dobavljača.

#### **Član 3.**

##### **(Provođenje Odluke)**

Za provođenje ove odluke zadužuju se Ministarstvo zdravstva, Ministarstvo finansija i JU Kantonalna bolnica Zenica, svako u okviru svoje nadležnosti.

#### **Član 4.**

##### **(Izvještavanje)**

JU Kantonalna bolnica Zenica dužna je izvijestiti Ministarstvo zdravstva o namjenskom utrošku sredstava dostavljanjem dokaza o uplati sredstava dobavljaču

**Član 5.**  
**(Stupanje na snagu)**

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

**PREMIJER**

***Amra Mehmedić***

Broj: 02-11-14760/23

Datum, 28.09.2023. godine

Z e n i c a

DOSTAVLJENO:

1x Ministarstvo zdravstva,

1x Ministarstvo finansija,

1x JU Kantonalna bolnica Zenica, putem Ministarstva,

1x „Službene novine Zeničko-dobojskog kantona“,

1x a/a